



43814


stat.komp

I

Meg. St. Dr.

P

Wosiński Stanisław: Quaestio medica de
febre maligna.



QVÆSTIO MEDICA.

^{D E} FEBRE MALIGNA. PRO LOCO

Inter Clarissimos & Excellentissimos
Medicinæ DOCTORES & Professores,
I N
Celeberrima Academia Cracouiensi obtinendo.



P V B L I C E

A M. STANISLAO WOSINSKI,
Philosophiæ & Medicinæ DOCTORE
Consule Cracouiensi S. R. M. Secretario.

P R O P O S I T A.
IN COLLEGIO MAIORI
D. I AGIELLONIS

Lectorio DD. Theologorum.

Anno Reparatæ Salutis M. DC. LXXVI.
Mense Ianuario. Die ix. Horâ.

GRACOVIAE Typis VNIVERSITATIS.

Meay 687

IN STEMMA
ALMÆ VNIVERSITATIS
CRACOVIENSIS.



43814

I

*Alma Coronatus gaudet Sapientia Scep̄tris
Regia Sarmatici, quod sit Alumna Throni.
Orbis Hyperboreus sapit, hâc fruiturq; Magistrâ,
Qua Scep̄tris numerat, sæcula terna suis!
Nempe Crucem Scep̄tris, quod iunxerit omnia dexti
Vincit Academicus, cum pietate labor.*

Q V Æ S T I O.

Vtrum Febris Maligna, sit de Genere Febrium Putridarum, Continuarum, Acutarum: differat à Febre Pestilenti, & à Peste gradu perniciosi: proueniatq; ex Putredine excellenti totius Massæ sanguineæ cum Venefica quadam qualitate, in Venis maximis & Cordi proximis, & rectè cum suis Symptomatibus curetur, per Chirurgiam, Pharmaciam, & Diætam, nec ne?

C O N C L U S I O I.

Febris Maligna est de Genere Febrium Putridarum, Continuarum, Acutarum.

C O R O L L A R I A.

1. *Febris est calor præter naturam, accensus in Corde, & in totum deindè Corpus diffusus, ledens actiones primò & per se vitales, subindè etiam Naturales, & Animales.*
2. *Maligna Febris dupliciter dicitur: Vno modo propriè, sicuti in præsentì Conclusionè accipitur: alio impropiè, & est Febris, cui peiora, quàm pro suæ Essentiæ ratione Symptomata adiunguntur, nullâ tamen venenatâ stipatur qualitate.*
3. *Febris Putrida originem habet ex humorum putredine.*

4. *Putredo est mutatio totius Substantiæ corporis putrescentiæ ad Corruptionem, à calore externo. Gal. 2. Meth. 8.*
5. *Continua Febris est, quæ nunquam intermittit, cum putredinis sedem obtineat intra vasa maiora, unde putridi ac Cor continuo feruntur vapores.*
6. *Acuta Febris est, quæ celeriter mouetur, & est cum periculo.*

CONCLUSIO II

Febris Maligna à Febre Pestilenti & à Peste differit gradu perniciæ.

COROLLARIA.

1. *Tàm in Peste, quàm in Febri simpliciter Pestilenti, plerique ægrotantium moriuntur, & Contagium adest. In Peste tamen & Contagium & perniciæ maiora sunt, quàm in dicta Febre Pestilenti.*
2. *Febris Maligna minùs perniciofa est, quàm Pestilens simpliciter, magis tamen quàm Putrida non maligna: minùs etiam Contagiosa est, immò & sapiùs Contagio prorsus caret. Vnde licet omnes eà laborantes periculosissimè ægrotent pleriq; tamen sanantur.*
3. *In Peste & in Pestilentibus Febribus excitatur Putredo, non tàm ex Causis, à quibus aliæ Febres Putridæ producuntur, sed à Venenata seminarij Contagiosi vi: in Malignis autem suscitatur Putredo ex jisdem Causis, ut in Putridis Communibus.*
4. *In Malignis Febribus, non est tanta Symptomatum Vehementia, neq; Bubones, neq; Carbunculi, ut in Peste & in Pestilentibus Febribus.*

5. *Febres maligna sæpè Epidemica sunt, (sapiſſimè tamen Priuata sunt & ſporadica: Febris ſimpliciter Peſtilens nonnunquam eſt Sporadica, ſed ſæpius eſt Epidemica: Peſtis ſemper eſt Epidemica, nunquam verò Sporadica.*
6. *In hoc tamen Febris maligna & Peſtilens conueniunt, quod in utraq; duo reperiuntur: Primò Putredo, à qua habent ut Putridæ Febres ſint. Secundò Pernicioſa & Venefica qualitas, ex cuius intensiori vel remiſſiori gradu Peſtilentæ vel Maligna conſtituuntur Febres.*

CONCLVSIO III.

Febris Maligna pendet ex Putredine excellenti, totius Maſſæ ſanguineæ, cum venefica quadam qualitate, in Venis maximis, & Cordi proximis.

COROLLARIA.

1. *Si Putredo humorum non ſit excellens, nec terminum Corruptionis attigerit, Febrem ſimpliciter Putridam parit.*
2. *Quodſi excellens fuerit, & ad Corruptionem peruenerit, tunc Venenatam qualitatem parit, & Febrim producit Malignam vel Peſtilentem, pro gradu Perniciæ maiore vel minore.*
3. *Venenata qualitas non conſiſtit in ſimplici Putredine, nec in Elementaribus qualitatibus, ſed in occulta quadā prauitate.*
4. *Quamuis Febris Maligna ſemper proueniat à Putredine Maſſæ ſanguinea ſupra dictæ, in hac Cauſa eſt aliqua differentia, pro varia Maſſæ ſanguineæ diſpoſitione: nam vel Bili, aut alius Humor in ſanguine ſuperat, vel nullus.*

5. Hinc Febres malignæ, Synocharum naturam referunt, aliquando aliarum Febrium Continuarum more incipiunt cum horrore, & certas quasdam habent exacerbationes.

6. Causa Mediatæ Febri Malignæ est morbosus apparatus, consistens: vel in Plethora, vel in Cacoehymia, vel in obstructionibus.

CONCLUSIO IV.

Febris Maligna curatur per Chirurgiam, Pharmaciam, & Diætam.

COROLLARIA.

1. Quoad Chirurgiam: Sanguinis missio convenit in Febribus Malignis, & si putredo magis infesta sit, quàm venenata qualitas etiam reiterari debet, præsertim in principio. Si verò ob virium imbecillitatem non possumus mittere sanguinem à Venis maioribus, etiam Hirudines, tam Venis Hemorrhoidalibus, quàm Cruribus, & Cucurbitula scarificate, tum etiam sicca pro simplici Reuulsione sunt applicanda, ut & Frictiones extremarum partium sæpius repetenda. Vescicatoria in varijs Locis pro opportunitate, quia potenter attrahunt prauos & venenosos Ichores, & reuellunt, conveniunt.
2. Quoad Pharmaciam: Curatio Febris Malignæ dirigenda est ad Febrem, Putredinem, & Malignam seu Veneficam qualitatem.
3. Febris ut Febris oppugnanda est Refrigerantibus & Humectantibus, ut sunt Emulsiones ex Amygdalis dulcibus, seminibus frigidis maioribus & minoribus: Iulepi alterantes ex Aquis Acetose, Scorfonera, Pimpinella, Buglossa, Endivia, Cichora.

Cichorea: cum Syrupis de Succo Limonum, de Acetositate Citri, de succo Acetosa, & similibus. Putredo Euacuantibus & Alterantibus; & ideo Natura adiuuanda ijs Remedijs quae aperiunt, Humores incidunt, ebullitionem & Putredinem sistunt, Febris feruorem extinguunt, & quibus semper eligenda & admiscenda quae malignitati resistunt, ut Acetosa, Scordium, Carduus benedictus, semen Citri, Radix, Scorsonera, succus & Syrupus Citri, Oxy Saccara: Venefica vero & maligna Qualitas Alexipharmacis, quae in Iulepis, Iusculis, Aqua Potius Ordinarij, & omnibus quae assumuntur, exhibenda: ut sunt Lapis Besoar, Radix Contraheruae, Spiritus Vitrioli, & Sulfuris: sal Prunella, Magisteria Corallorum, Margaritarum, Cornu Cerui; Os de Corde Cerui, Unicornu, Smaragdi preparati, Hyacinthi preparati, Rubini & alij pretiosi Lapidis preparati, Radix Scordij: Puluis Cordialis pretiosus Gedanensis, Mistura de Tribus. Confectiones, Alchermes, Hyacinthina, Smaragdina. Aqua Cordiales, Hercules Saxonia, Cinamoni S. V. Theriacalis, Florum Calendula, Scabiosa, Carduibenedicti.

4. Epithemata quae Cordi applicari debent, non sint valde adstringentia & Repellentia: sed in Aetivis qualitatibus temperata, in reliquis moderate siccant, & imprimis peculiari facultate Cor roborent, ut ex Aquis Melissa, Fragarum, Rosarum, Buglossae, Boraginis, ex Aceto Rosarum & Caryophyllorum, speciebus Cordialibus temperatis, Pulvere pro Epithemate Cordiali, Oleo Ligni Rhodij, Marthioli, & similibus.

5. In Febre Maligna Coctio est expectanda in exhibendo Pharmacum; nisi quid magis urgeat, cuiusmodi est potissimum

Mate-

*Materia turgens, Materia Maligna, materia partem principalem petens, Materia etiam Concoctionis incapax, in quibus Casibus etiam in principio nullâ expectatâ Concoctione, si non Eradicatiuè, Minoratiuè saltem purgare possumus. Eua-
cuatio etiam per sudores apprimè conuenit, quæ etiam si post
Coctionem & Purgationem Utilius procuretur, tamen alijs
etiam temporibus Utilis esse consuevit, præsertim si natura ad
eos inclinare Videatur.*

6. *Quoad Dietam: Cum morbus hic sit ex Acutorum numero, Vi-
ctus Acutis morbus conueniens, instituendus, Tenuis præcipuè
in principio Febris. Progressu Verò temporis, dum Vires de-
biles apparent, medium tenere debemus, iuxta doctrinam
Mercurialis. Offerenda itaq; sunt Brodia Consumpta, Panis
in iure Pulli, Ptisanna: Quod si maiori Refectione Virtus de-
biliores egere Videatur, Contusæ Carnes, Ius Destillatum Cap-
oni, Quæ recentia exhiberi possunt. Vinum non conuenit antè
eruptionem Exanthematum, post apparitionem tamen eorum,
ubi omnia Symptomata remiserunt, parum Vini Oligophori
conceditur, assuetus potissimum. Eius locò danda Aqua Hor-
dei, vel Potus domesticus si inualuerit Calor: Aqua in amo-
ni S. V. si stomachi debilitas: Aqua cum succo Citri si mali-
gnitas. Alius si non quotidie, alternis saltem diebus Enema-
tibus, Lubrica seruanda erit. Omnes mæstitiæ, Ira, & ti-
mor fugiantur. Aer debet magis ad frigidum accedere, gra-
tisq; odoribus alterari: impediri tamen optimis tegumentis de-
bet, ne frigidus aer corporis superficiem attingat, ne Cutis me-
atibus constipando, & putridorum Vaporum exhalationem
prohibendo, Peticularum eruptionem impediatur.*

C O N.

CONCLUSIO V.

Symptomata quæ Febribus Malignis accidunt curanda sunt, ad integrum Curationis complementum.

COROLLARIA.

1. In dolore Capitis, Vigilijs, Delirio, & Convulsionibus, conueniunt Reuellentia omnis Generis, Repellentia, & Deriuantia.
2. In Lingua Inflammatione, siccitate, & Nigredine conueniunt magis Refrigerantia cum Humectantibus in forma Gargarismi.
3. Sitis feliciter extinguetur duobus præsertim Remedijs, nempe sale Prunella & spiritu Vitrioli, in Iulepis & Aqua Potus Ordinarij.
4. In Petechiarum expulsionem Naturam semper iuuare oportet, unde non facile ijs apparentibus sanguis mittendus. At si sanguinis mole Natura grauetur, Venæ sectione non solum non impeditur Petechiarum expulsio, sed etiam promouetur. Si Verò hæc Symptomata comitentur Febrem Malignam, ut Cataphora, Coma, Lethargus, Vesicantia sunt applicanda.
5. Alui Fluxus si moderatus sit, ut Vires non deiciat, cohibendus non est, sed Enematibus Corroborantibus moderandus. Si Verò immodicus & Vires admodum deiciat, Collisquatiuus esse consuevit, & ideo audacter cohibendus.
6. Inappetentia curari debet Euacuatione Cause morbificæ per vomitum & secessum: præterea exhibenda sunt frequenter Acida & Refrigerantia.

A. M. D. G. B. M. V. H.

SVB FELICIBVS AVSPICIIS.

Perillustis, Magnifici, & A. R. Domini,

**D. M. SIMONIS STANISLAI
MAKOWSKI.**

Sacræ Theologiæ Professoris Collegæ Maioris,
Ecclesiæ Collegiatæ S. FLORIANI Canonici

S. R. M. Secretarij.

Almæ Vniuersitatis Cracouiensis Generalis
R E C T O R I S Vigilantissimi.

Decanatu In Inclita Medica Facultate
Clarissimi & Excellentissimi Domini,

**D. M. HYACINTHI
ŁOPACKI.**

Philosophiæ & Medicinæ Doctoris & Professoris,
Consulis Cracouiensis Dignissimi.



Biblioteka Jagiellońska



stdr0013454

